



TRAKZIO MEKANIKOKO IBILGAILUEN GAINEKO ZERGAREN KUOTAK FINKATZEKO FUNTSEZKO ELEMENTUAK ERREGULATZEN DITUEN ORDENANTZA FISKALA

OHARRA: Dokumentu hau informazioa emateko helburuarekin eginda dago. Aldizkari ofizialetan argitaratutako testu onartuek bakarrik dute balio legala

Onartuta: Udalbatzak 2024/10/28an

Argitaratuta: Gipuzkoako Aldizkari Ofizialean 2024/12/27an

TRAKZIO MEKANIKOKO IBILGAILUEN GAINEKO ZERGAREN KUOTAK FINKATZEKO FUNTSEZKO ELEMENTUAK ERREGULATZEN DITUEN ORDENANTZA FISKALA

I. XEDAPEN OROKORRAK

1.Artikulua

Udal honek, Trakzio Mekanikoko Ibilgailuen gaineko Zergari buruzko Uztailaren 5eko 14/1989 Foru Arauko 4.4 artikulua ematen dion zilegidura erabiliz, artikulua horretako lehen atalean ezarritako gutxienezko kuotak finkatzen ditu Eranskinean adierazten den koefizientea aplikatuz.

II. ZERGA KUOTA

2.Artikulua

Aurreko artikulua aipatzen duen koefizientea aplikatuz, zerga hau eranskin horretan adierazten diren tarifa taularen arabera exijituko da.

III. ZERGAREN KUDEAKETA

3.Artikulua

Zerga hau autolikidazio erregimenean exijituko da, horretarako udal administrazioak zerga honen subjektu pasiboak eta espedienteak izapidetzen dituzten gestoriei emango dien ereduak. Zergaren ordainketa autolikidazioa aurkeztuko den unean egingo da.

4.Artikulua

Zerga hau ordaindu dela egiaztatuko duen dokumentua zorra kitatze unean Udal Administrazioak emango duen behin-betiko ordainagiria izango da.

5.Artikulua

1. Zerga honen zorraren ordainketa eguneratuta daukala egiaztatuko duen ziurtagiriaren aurkezpena ezinbesteko baldintza izango da ondorengo espedienteak izapidetzeko eskaerari Trafiko Buruzagitzan hasiera emateko:

- a) Zirkulatzeko ibilgailuaren gaitasun ziurtagiriarena.
- b) Ibilgailuaren behin-betiko bajarena.
- c) Ibilgailuen erreformarena, zerga honen ondorioetarako haien sailkapena aldatzen denean.
- d) Ibilgailuaren transferentziarena.
- e) Ibilgailuaren zirkulazio baimenean azaltzen den subjektu pasiboaren bizileku aldaketarena.

2. Kuotaren ordainketa egiaztatuko duen ordainagiriaren aurkezpena ezinbesteko betebeharra izango da, hori aurkeztea eskatzen duten Zergapeko ibilgailuen matrikulazio espedientei hasiera emateko Trafiko Buruzagitzan.

IV. KUOTEN ITZULKETA

6.Artikulua

Ibilgailuaren behin-betiko baja kasuetan, subjektu pasiboaren alde izango diren kuota proportzionalak, era berean behin-behineko likidazioan sobera ordaindutakoak, Zergaren subjektu pasiboari itzuliko zaizkie behin-betiko baja eta ibilgailuaren matrikulazioari buruzko dokumentazioa aurkeztu ondoren.

V. AZKEN XEDAPENA

Ordenantza Fiskal hau eta daraman Eranskina indarrean 2025eko urtarrilaren 1ean sartuko dira, aldatzea edo derogatzea erabakitzen ez den bitartean aplikatuko direlarik.

ERANSKINA

Koefizienteak eta tarifak hauek izango dira:

<u>Ibilgailuen potentzia eta mota</u>	<u>koefizientea</u>	<u>kuota/€</u>
a) Turismoak		
9 zaldi fiskal baino gutxiagokoak	2,9026	53,38
9 eta 11,99 zaldi fiskal bitartekoak	2,9026	106,76
12 eta 13,99 zaldi fiskal bitartekoak	2,9026	177,93
14 eta 15,99 zaldi fiskal bitartekoak	2,9881	256,44
16 eta 19,99 zaldi fiskal bitartekoak	3	331,02
20 zaldi fiskal baino gehiagokoak	3	404,58
b) Autobusak		
21 jarleku baino gutxiagokoak	2,9026	241,79
21 eta 50 jarleku bitartekoak	2,9026	344,36
50 jarleku baino gehiagokoak	2,9026	430,46
c) Kamioiak		
1.000 kg baino gutxiagoko karga baliagarrikoak	2,9026	122,72
1.000tik 2.999 kg-ra arteko karga baliagarrikoak	2,9026	241,79
2.999tik 9.999 kg-ra arteko karga baliagarrikoak	2,9026	344,36

9.999 kg baino gehiagoko karga baliagarrikoak	2,9026	430,46
d) Traktoreak		
16 zaldi fiskal baino gutxiagokoak	2,9026	51,29
16 eta 25 zaldi fiskal bitartekoak	2,9026	80,61
25 zaldi fiskal baino gehiagokoak	2,9026	241,79
e) Trakzio mekanikoko ibilgailuek arrastaturiko atoiak eta erdi atoiak		
1.000 kg baino gutxiagoko karga baliagarrikoak	2,9026	51,29
1.000tik 2.999 kg-ra arteko karga baliagarrikoak	2,9026	80,61
2.999 kg baino gehiagoko karga baliagarrikoak	2,9026	241,79
f) Bestelako ibilgailuak		
Ziklomotoreak	2,9026	13,09
125 zm ³ arteko motozikletak	2,9026	13,09
125 eta 250 zm ³ bitarteko motozikletak	2,9026	22,41
250 eta 500 zm ³ bitarteko motozikletak	2,9603	45,74
500 eta 1.000 zm ³ bitarteko motozikletak	3	92,70
1.000 zm ³ baino gehiagoko motozikletak	3	185,37

SALBUESPEN ETA HOBARIAK

14/1989 Foru Arauaren 2. artikulua 1 apartatuko e) eta g) letretan aipatzen diren salbuespenak gozatu ahal izateko, interesatuek eskaera bat aurkeztu beharko dute ibilgailuaren ezaugarriak, matrikula eta onuraren zergatia adieraziz. Udal Administrazio honek salbuespena onartu ondoren, agiri bat luzatuko du hura eman dela frogatzeko.

Aurreko apartatuan jasotakoaren ondorioetarako, ibilgailuen titularrek udalerrri honetan egon beharko dute erroldatuta, eta zergaz salbuesteko eskaera Udaletxeko Erregistro Orokorrean idatziz aurkeztu.

e) letrako salbuespenaren inguruan, urte bakoitzean salbuespena soilik ibilgailu batek izango du eta izango du urtarrilaren 1ean Trafikoko Erregistroan altan zegoenak. Halaber, urtarrilaren 1ean altan zegoen ibilgailuari behin-betiko baja ematen bazaio eta ibilgailu berri bati alta urte berean ematen bazaio, biek izango dute salbuespena.

Eskaerari honako agiriok erantsiko dizkiote:

a) Ibilgailuak mugikortasun murriztua duten pertsonentzat direnean edo minusbaliatuen izenean eta horiek bakarrik erabiltzeko matrikulatuta daudenean:

-Ibilgailuaren Zirkulazio Baimenaren fotokopia

-Ibilgailuaren ezaugarri teknikoen ziurtagiriaren fotokopia.

-Gizartekintzak edo bere ordeztuak diharduen erakunde edo agintari administratiboak luzatutako ziurtagiri originala.

-Desgaitasuna duten pertsonen ibilgailuen salbuespena izateko, beharrezkoa da ibilgailua ezintasuna duen pertsonaren erabilera eskusiborako zuzendua egotea. Horrek, beraz, ibilgailuak zirkulatzen duenean beti ezintasuna duena barruan egotera behartzen du. Hori bermatzeko, ibilgailuaren erabilpenari buruzko **zinpeko aitorpen bat** aurkeztu beharko da, ibilgailuan beti ezgaitasuna duena joango dela esanez.

Salbuespen hau oinarritzen duen baldintza espresuki ez betetzeak, hau da, desgaitasuna duen pertsonaren izenean matrikulatutako ibilgailuak erabilera eskusiboa ez izatea, zerga urraketatzen hartuko da eta 300 euroko diruzko isun finkoaz zigortuko da. Horrez gain, urte korrontean onarturiko salbuespena indargabetuko da.

b) Traktoreak, atoiak, erdiatoiak eta nekazaritzako makinak badira:

-Ibilgailuaren Zirkulazio Baimenaren fotokopia

-Ibilgailuaren ezaugarri teknikoen ziurtagiriaren fotokopia.

-Nekazaritzako Makineria inskribatzeko Kartilaren fotokopia edo, bestela, Gipuzkoako Foru Aldundiko Nekazaritza eta Ingurugiro Departamentuko Nekazaritzako Makineriaren Erroldan alta hartu izanaren frogagiria, nahitaez ibilgailuaren titularraren izenean luzatua.

Fabrikazio egunetik kontatuta 2018an gutxienez hogeita sei urteko antzintasuna dutenek %100eko hobaria izango dute zerga kuotan. 2020an salbuespena egongo dira 2019an 27 urte edo gehiagokoak eta horrela aurrerantzean. Horretaz gain, 30 urte betetzerakoan ibilgailu guztiak egongo dira salbuespena.

Fabrikazio eguna ez bada ezagutzen, lehen matrikulazio eguna hartuko da halakotzat edo, bestela, ibilgailu mota edo aldaera fabrikatzeari utzi zitzaion eguna.

Ibilgailuen ezaugarriengatik hobari hauek emango dira, DGTren ingurugiro etiketen arabera eta familia unitatearen diru-sarreraren arabera:

-0 emisio pegatinadun ibilgailuek ibilgailuaren balioa berritan 45.000 €tik beherakoa bada edo balio benala erosketa datan 9.000 €tik beherakoa bada.

-ECO pegatinadun ibilgailuek ibilgailuaren balioa berritan 40.000 €tik beherakoa bada edo balio benala erosketa datan 8.000 €tik beherakoa bada.

-Jarduera ekonomiko bati lotuta egonik, 0 emisio pegatinadun ibilgailuek %100eko hobaria ibilgailuaren balioa berritan 45.000 €tik beherakoa bada edo balio benala erosketa datan 9.000 €tik beherakoa bada. Kasu honetan, hobaria ez da diru-sarrerari lotuta egongo.

Hobaria denboran mugatuta egongo da, lehen matrikulazio epealditik 5 urtetan. Arrazoi honengatik hobaria duten ibilgailuen kopurua erroldako turismoen %20 izatera iristen bada, hobaria berraztertu beharko da.

Hobari hau eskatzeko epea irailaren 30 artekoa izango da eta eragina izango du eskatzen den epealdian bertan.

Hobariaren portzentajeak, unitate familiarraren diru-sarreraren arabera, honakoak dira:

	24.000 € arte	24.000 €tik 50.000 €ra	50.000 €tik 90.000 €ra	90.000 €tik gora
0 pegatinadun ibilgailuak	%95	%75	%35	%15
ECO pegatinadun ibilgailuak	%80	%70	%30	%10

Familia ugarien ibilgailuek %50eko hobaria izango dute. Hobariaz gozatzeko baldintzak eta zehaztapenak dira:

-Familia unitate bakoitzak soilik ibilgailu batentzat izango du hobaria.

-Ibilgailuak gutxienez 5 esertoki izan beharko ditu.

-Familia ugari horretako kide guztiak Bergaran eta etxebizitza berean egon behar dira erroldatuta.

-Plaza kopuruaren arabera, hobaria izateko ibilgailuaren gehienezko zaldi fiskalak:

Ibilgailuaren plaza kopurua	Potentzia fiskala gehienez
5 plazako ibilgailuak	13,99 zaldi fiskal
6 eta 7 plazakoak	15,99 zaldi fiskal
8 eta 9 plazakoak	19,99 zaldi fiskal

Hobari desberdinak ez dira akumulatuko eta beti hobari altuena aplikatuko da.

Izaera orokorrean, hobaria hasten da aplikatzen eskaera egin ondorengo ekitalditik aurrera eta ez du atzera eraginik. Dena den, onura fiskala eskatzen bada likidazioa ordaintzeko borondatezko epearen barruan, onura emango da baldin eta hobaria jasotzeko baldintzak zerga sortzen den egunean betetzen badira.

Izaera orokorrean, hobariak izateko, ibilgailua Bergaran egoteaz gain, ibilgailuaren titularra ere Bergaran erroldatuta egon behar da.

ALKATEA

IDAZKARIA

KONTUHARTZAILEA